


A collection of MELSEC-DVP PLC modules, including various CPU units, I/O modules, and expansion modules, arranged in a tiered display. The modules are shown in their original packaging, highlighting the product range.

Eng. Ammar Youssef
12-26-2020

1- عند الضغط علي مفتاح التشغيل لأول مره يعمل المحرك الاول وعند الضغط عليه لمرة أخرى يعمل المحرك الثاني .


البرنامج :



شكل (1) : التمرين الأول

شرح البرنامج :


- أول ضغطه علي (X0) هيروح يلاقي سكه (Y1) مش سالكه فمش هيشغل (Y1) ولكن هيلقي سكه (Y0) تمام فهتشتغل .
- لما (Y0) تشتغل هتقل نقطتها اللي في سكه (Y1) ولكن برضه مش هتشتغل لان (X0) هتوصل كهرباء لمدته (SCAN CYCLE) واحده بس .
- لما تشيل ايدك وتضغط ثاني هتلاقي سكه الـ (Y1) بقت تمام فهتشتغل .
- لو ضغط علي (X1) المحركين هيقفوا .



شكل (2) : محاكاة التمرين الأول

2- عند الضغط علي مفتاح التشغيل لأول مره يعمل المحرك الاول وعند الضغط عليه لمرة أخرى يعمل المحرك الثاني وعند الضغط عليه المرة الثالثة يفصل المحركين وهكذا.


البرنامج :



شكل (3) : التمرين الثاني

شرح البرنامج :


- اول ضغطه علي (X0) هتروح تشغل (Y0) لانه الوحيد اللي سكته سالكه في البدايه لان (M0) ادامة نقطه مفتوحة من (Y1) و (Y1) ادامة نقطه مفتوحة من (Y0).
- ولما (Y0) يشتغل (Y1) متشتغلش الا لما اشيل ايدي واضغط ثاني لان امر الـ (POSITIVE EDGE) بيمرر كهرباء لمدته (SCAN CYCLE) واحده بس.
- ولما (Y1) يشتغل يقفل نقطته اللي في سكه (M0) ولكن متشتغلش لنفس السبب اللي بنحكي فيه الا لما تشيل ايديك وتضغط ثالث مره.
- يروح (M0) يشتغل ويفتح نقاطه اللي في سكة (Y0) و (Y1) ويروح الاتنين فاصلين .



شكل (4) : محاكاة التمرين الثاني

3- تشغيل وإيقاف بمحرك بمفتاح واحد بحيث ضغطه للتشغيل وضغطه للإيقاف.

البرنامج :




شكل (5) : التمرين الثالث

شرح البرنامج :

- اول ما تضغط علي (X0) لأول مره الماركر (M0) مش هيشغل ولكن اللي هيشغل الـ (Y0) .
 - ولما تشيل ايدك وتضغط تاني علي (X0) فإن (M0) هيشغل ويفتح نقطته اللي في سكه (Y0) فالمحرك يقف.
- 4- تشغيل وإيقاف بمحرك بمفتاح واحد بحيث ضغطه للتشغيل وضغطه للإيقاف باستخدام ماركات فقط .

البرنامج :




شكل (6) : التمرين الرابع

شرح البرنامج :

- دوس ي باشا علي (X0) لأول مره هتلاقي سكه (M0) زي السكينه في الحلاوه فهيشغل وطبعا هيغير وضع نقاطه فينزل يشغل (Y0) وتفصل الـ (Y0) شغاله عشان معمول معاها لاتش.
 - لما (Y0) يشتغل هيروح مغير وضع النقاط بتاعته اللي في سكه كلا من (M0) و (M1) ولو شيلت ايدك من علي (X0) الـ (M0) هتفصل.
 - لكن لما تيجي تشغل ثاني هتلاقي سكه الـ (M0) وقفه لان (Y0) فاتحه النقطه بتاعتها في سكه (M0) وقفه في سكه الـ (M1) فيروح (M1) يشتغل ويروح فاتح نقطته في سكه الـ (Y0) فيفصل.
- 5- عكس حركة محرك بواسطه مفتاح تشغيل واحد علي أن يتم الضغط علي مفتاح الايقاف بين كل اتجاه والاخر .

البرنامج :




شكل (7) : التمرين الخامس

شرح البرنامج :

- لو ضغطت علي (X1) هتلاقي (Y0) اشتغل وبالتالي هيقلل نقاطه المفتوحه وهيفتح نقاطه المغلقه وبالتالي هيروح مشغل الـ (M0).
- لو شيلت انت ايدك من علي (X1) هيبقي الحال كما هو عليه ولو دوست ثاني مفيش حاجه هتحصل الا لو ضغطت علي (X0) اللي هو ايقاف يعني.
- لو ضغطت علي (X1) ثاني فهتلاقي الحال واقف عند الـ (Y0) لان الـ (M0) فاتحه في سكتها وقفه السكه في اتجاه اليسار فهيشغل (Y1) ولما يشتغل هيغسل الـ (M0) ولازم تدوس (X0) ثاني قبل ما تعكس الاتجاه ثاني .

6- عند الضغط لأول مره علي مفتاح التشغيل يعمل المحرك الاول وبعد الضغطه الثانيه يعمل الثاني وبعد الضغطه الثالثه يعمل الثالث وبعد الرابعه يتوقف الثلاث محركات .

البرنامج :




شكل (8) : التمرين السادس

شرح البرنامج :

- في البدايه عند الضغط علي (X0) لأول مره فان (M0) ستعمل لان السطر الخاص بها مغلق فبالتالي التيار هيمر في السطر دا ونقطه (M0) المساعده في كل السطور المغلق منها سيفتح والمفتوح سيغلق وبالتالي فان (Y0) ستعمل وتظل تعمل لوجود اللاتش الكلام دا كله وانت لسه مشلتش ايدك من علي (X0) اول ما تشيل ايدك هتلاقي (M0) فصلت لان التيار انقطع عنها مع بقاء (Y0) تعمل وبالتالي فان جميع نقاط (Y0) ستغير من حالتها.

- عند الضغط علي (X0) ثاني مره هتلاقي ان سكه السطر الاول في نقطه مفتوحه وبالتالي فان (M0) مش هتشتغل وهتلاقي السطر الثاني كل النقاط مغلقه عشان كدا (M1) هتشتغل وتروح مغيره من وضع النقاط بتاعتها عشان كدا نقطتها اللي في سكه المحرك الثاني هتقف وتصبح سكه المحرك الثاني سالكه وبالتالي (Y1) هتشتغل وأول ما اشيل ايدي من علي (X0) طبعا (M1) هتفصل لان معدش داخل لها كهرباء ولكن (Y1) هتفضل شغاله لانه معمول لها لاتش وبالتالي كل نقاط (Y1) هتغير من وضعها.
- عند الضغط علي (X0) ثالث مره هتلاقي ان سكه السطر الاول في نقطتين مفتوحتين وبالتالي فان (M0) مش هتشتغل وهتلاقي السطر الثاني في نقطتين مفتوحتين عشان كدا (M1) مش هتشتغل وهتلاقي السطر الثالث كل النقاط مغلقه عشان كدا (M2) هتشتغل وتروح مغيره من وضع النقاط بتاعتها عشان كدا نقطتها اللي في سكه المحرك الثالث هتقف وتصبح سكه المحرك الثالث سالكه وبالتالي (Y2) هتشتغل وأول ما اشيل ايدي من علي (X0) طبعا (M2) هيفصل لان معدش دخل له كهرباء ولكن (Y2) هتفضل شغاله لانه معمول لها لاتش وبالتالي كل نقاط (Y2) هتغير من وضعها .
- عند الضغط علي (X0) رابع مره هتلاقي ان سكه السطر الاول في (3) نقاط مفتوحه وبالتالي فان (M0) مش هتشتغل وهتلاقي السطر الثاني في (3) نقاط مفتوحه عشان كدا (M1) مش هتشتغل وهتلاقي السطر الثالث في (3) نقاط مفتوحه عشان كدا (M2) مش هتشتغل وهتلاقي السطر الرابع كل النقاط مغلقه عشان كدا (M3) هتشتغل وتروح مغيره من وضع النقاط بتاعتها عشان كدا نقطتها اللي في سكه الـ (3) محركات هتفتح وبالتالي الثلاثه هيفصلوا وأول ما اشيل ايدي من علي (X0) هيرجع الوضع كما هو عليه في البدايه .




شكل (9) : محاكاة التمرين السادس




أمر الـ (Positive Edge) يكون فعال لمدته دورة مسح واحده فقط وبعد ذلك يصبح غير نشط .


7- قارن بين الأشكال الاتيه من حيث طريقة العمل .



شكل (10)




شكل (11)



شكل (12)


في الشكل رقم (10) :

- عند الضغط علي (X0) لأول مره سيعمل (M0) ويظل يعمل لوجود أمر الـ (SET) ولا يعمل أمر الـ (RST) لوجود نقطه مفتوحه من (Y0) في طريقه.
- بعد أن يعمل (M0) يقوم بغلق نقطته الموجوده في طريق (Y0) وبالتالي يعمل المحرك وتغلق النقطه (Y0) الموجوده في طريق أمر الـ (RST) ولكن لا يتم تنفيذ الأمر لأن أمر الـ (Positive edge) قد تم تنفيذه لمدة (دورة مسح) واحده فقط .
- عند الضغط مرة أخرى علي (X0) سيكون الطريق ممهد لعمل أمر الـ (RST) وبالتالي يتوقف (M0) عن العمل وبالتالي يتوقف المحرك .




في الشكل رقم (11) :

- عند الضغط علي (X0) لأول مره سيعمل (M0) ويظل يعمل لوجود أمر الـ (SET) ولا يعمل أمر الـ (RST) لوجود نقطه مفتوحه من (Y0) في طريقه.
- بعد أن يعمل (Y0) يقوم بغلق نقطته الموجوده في طريق (RST) وبالتالي يتوقف المحرك لأن أمر الـ (Positive edge) قد تم تنفيذه لمدة (دورة مسح) واحده فقط لذا فإن الـ (M0) لا تعمل الا لمدته (دورة مسح) واحده فقط.




في الشكل رقم (12) :

- عند الضغط علي (X0) لأول مره سيعمل (M0) ويظل يعمل لوجود أمر الـ (SET) ولا يعمل أمر الـ (RST) لوجود نقطه مفتوحه من (Y0) في طريقه.
- بعد أن يعمل (Y0) يقوم بغلق نقطته الموجوده في طريق (RST) ولكن لا يتوقف المحرك لأن أمر الـ (Positive edge) قد تم تنفيذه لمدة (دورة مسح) واحده فقط لذا فإن الـ (M0) ستعمل مرة أخرى وبالتالي لن يتوقف المحرك أبدا.




8- عند الضغط علي مفتاح التشغيل يعمل المحرك بعد (4) ثواني وعند الضغط علي الايقاف فانه يتوقف .



شكل (13) : المخطط الخاص بطريقة العمل

البرنامج :




شكل (14) : البرنامج الخاص بالتمرين الثامن

شرح البرنامج :


- عند الضغط علي (X0) سيعمل (M0) ويظل يعمل ويغلق نقطته الموجوده أمام الـ (T0) فيقوم بعد الزمن المضبوط عليه وبعد انتهاء الزمن فإن (Y0) ستعمل الي ان يتم الضغط علي مفتاح الايقاف (X1) فيتوقف المحرك .

9- عند الضغط علي مفتاح التشغيل يعمل المحرك بعد (3) ثواني لمدة (4) ثواني وعند الضغط علي الايقاف فانه يتوقف .



شكل (15) : المخطط الخاص بالتمرين التاسع

البرنامج :




شكل (16) : البرنامج الخاص بالتمرين التاسع

شرح البرنامج :

- لما تدوس علي (X0) الـ (M0) هتشتغل وتروح مشغله التايمر (T0) .
- التايمر بعد (3) ثواني ويروح مشغل (Y0) ولما تشتغل تروح مشغلة تايمر ثاني اللي هو (T1) وبعد (4) ثواني وبعد ما يخلص عد يروح رايج مشغل ماركر (M1) يروح الماركر دا قاطع سكه التايمر (T0) والـ (Y0) وبالتالي التايمر (T1) هيفصل برضه.
- تروح تلاقي الماركر (M1) فصل فيرجع نقطته مغلقه ثاني في سكه التايمر (T0) يروح شغال ويقعد بعد ثاني وهكذا يبرنس ^ _ ^ .

البرنامج :



شكل (17) : طريقة أخرى لدائرة الفلاشر

شرح البرنامج :

- لما تضغط علي (X0) تروح (M0) شغاله وتروح مشغله التايمر (T0) لان سكته امان ويعد (3) ثواني ويروح مشغل تايمر ثاني اللي هو (T1) ويشغل برضه الـ (Y0)
- التايمر (T1) لما يخلص عد الـ (4) ثواني يروح فاصل سكه التايمر (T0) فـ (Y0) تفصل والتايمر (T1) يفصل وبالتالي تصبح سكه (T0) امان ثاني لان نقطه الـ (T1) رجعت مغلقه ثاني فتعيد نفس القصة .


سؤال (1) :



ما هو الفرق بين التايمر من نوع (On Delay) والتايمر من نوع (Off Delay) مع رسم مخطط يوضح طريقة العمل ؟




Vs



شكل (18) : ما الفرق بين التايمرين (On Delay) و (Off Delay)

10- عند الضغط علي المفتاح للمرة الأولى تشتغل الدائره كفلاشر والضغطه الثانيه تفصل الدائره وهكذا .

البرنامج :




شكل (19) : التمرين العاشر

شرح البرنامج :

- لما تضغط علي مفتاح التشغيل لأول مره (X0) هتعمل (RST) والـ (M0) هتشتغل وتروح مشغله التايمر الاول يعد الزمن المضبوط عليه وبعد كدا يشغل الـ (Y0).
- ولما (Y0) تشتغل تروح مشغله تايمر ثاني يعد (4) ثواني ويروح يشغل ماركر (M1) يروح الماركر دا فاتح النقطة اللي في سكه التايمر الاول فيفصل الـ (Y0) تفصل فيروح (T1) فاصل يروح (M1) فاصله تقوم ترجع النقطة بتاعت (M1) مغلقه ثاني وتعيد دايره الفلاشر.
- دا كله بيحصل عند الضغطه الاولى ولما اشييل ايدي واضغط ثاني تروح (RST) تشتغل لان سكتها بقت سالكه لمدته (Scan Cycle) تروح (M2) فاصله ومتشتغلش ثاني الا لما اشييل ايدي واضغط ثالث مره تروح العمليه متكرره .




11- ثلاث مواتير يقوموا بالتبديل مع بعض علي حسب المخطط الاتي .



شكل (20) : مخطط التمرين الحادي عشر

البرنامج :




شكل (21) : التمرين الحادي عشر

شرح البرنامج :

- عند الضغط علي (X0) سيعمل كلا من (Y0) و (T0) ويقوم التايمر بعد زمن (8) ثواني وبعد انتهاء العد يقوم بغلق النقطة الخاصة به في طريق (Y1) فتعمل (Y1) و التايمر (T1) وتقوم (Y0) بفتح نقطتها اللي في طريق (Y0) فيتوقف (Y0).
- يقوم التايمر (T1) بعد زمن (6) ثواني وبعد انتهاء العد يقوم بتغير وضع نقطته في طريق (Y2) فتعمل (Y2) ومعها التايمر (T2) ولما تعمل (Y2) تفتح نقطتها في طريق (Y1) فتتوقف (Y1).
- يقوم التايمر (T2) بعد زمن (4) ثواني وبعد انتهاء العد يقوم بغلق نقطته المتصلة بالتوازي مع (Y0) فتعمل (Y0) وبالتالي تفتح نقطتها في طريق (Y2) فتتوقف وتكرر هذه العملية باستمرار الي أن تضغط علي مفتاح الايقاف (X1).

البرنامج :




شكل (22) : التمرين الحادي عشر بطريقة أخرى

سؤال (2) :




ارسم التمرين السابق بطريقة أخرى؟

12- ثلاث مواتير يقوموا بالتبديل مع بعض علي حسب المخطط الاتي .



شكل (23) : مخطط التمرين الثاني عشر

البرنامج :



شكل (24) : التمرين الثاني عشر

شرح البرنامج :

- عند الضغط علي (X0) سيعمل كلا من (Y0) و (T0) ويقوم التايمر بعد زمن (8) ثواني وبعد انتهاء العد يقوم بغلق النقطة الخاصة به في طريق (Y1) فتعمل (Y1) و التايمر (T1) وتقوم (Y0) بفتح نقطتها اللي في طريق (T0) فيتوقف (Y0) .
- يقوم التايمر (T1) بعد زمن (6) ثواني وبعد انتهاء العد يقوم بتغير وضع نقطته في طريق (Y2) فتعمل ومعها التايمر (T2) ويقوم بتغير نقطته في طريق (Y1) فتتوقف (Y1).
- يقوم التايمر (T2) بعد زمن (4) ثواني وبعد انتهاء العد يقوم بغلق نقطته في طريق (M0) فتعمل (M0) وبالتالي تغلق نقطتها في طريق (Y1) فتعمل (Y1) مره أخرى ومعها التايمر (T1) ليقوم بعد زمن (6) ثواني، وتفتح نقطتها في (Y2) فتتوقف (Y2)، وتغلق نقطتها المتصله بالتوازي في طريق (Y0) .
- بعد انتهاء التايمر (T1) من العد يقوم بغلق نقطته المتصله بالتوالي مع (M0) وبالتالي يصبح الطريق ممهد لعمل (Y0) مرة أخرى ولما تشتغل (Y0) تفتح نقطتها في طريق (M0) فتتوقف .




ارسم المثال السابق بطريقة أخرى باستخدام (4) تايمرات ؟




امسح الكود للحصول علي حل التمرين ولو مسحته ومشتغلش تأكد من وضع (:) بعد (https) وقبل (//) ليكون (https://)

13- دائره تنك عند الضغط علي (SRART) يعمل كلا من (Pump1,2) وبعد أن تصل المياه الي اعلي الخزان تتوقف المضخات ويعمل قلاب لمدة (3) ثواني ثم يقف ويعمل الـ (Valve) ليقوم بتفريغ الخزان حتي تصل المياه الي أسفل (Low Sensor) فتعيد العمليه مره أخرى نفسها وعند الضغط علي الايقاف لا تتوقف العمليه الا حين تنتهي من دورتها .



شكل (25) : مخطط التمرين الثالث عشر

البرنامج :




شكل (26) : التمرين الثالث عشر

شرح البرنامج :

- عند الضغط علي (X0) سيعمل (M0) وبالتالي يغلق نقطته في طريق كلا من (Y0) و (Y1) فتعمل كلا من المضخة (1 و 2) و يصعد الماء في الخزان الي ان يصل الي اعلي مستوي الخزان فيعمل (X3) ليقوم بفتح نقطته في طريق المضختين فيتوقفان عن العمل ، ويغلق نقطته في طريق القلاب فيعمل (Y2) ومعه تايمر (T0) ليقوم بعد الـ (5) ثواني وبعد انتهاء الزمن يفتح نقطته في طريق القلاب فيتوقف ، ويغلق نقطته في طريق المحبس الخاص بالتفريغ فتعمل (Y3) ويبدأ الماء في الخروج الي أن تصل المياه الي اقل مستوي للخزان وعندها يتوقف الحساس (X2) ويرجع مرة أخرى الي حالته المفتوحة وبالتالي يتوقف المحبس وعند توقفه تقوم نقطته الموجودة في طريق المضختين بالرجوع مرة أخرى الي مغلقه وبالتالي تكرر العملية مره أخرى .

- عند الضغط علي (X1) يعمل (M1) ويفتح نقطته في طريق (M0) فيتوقف (M0) وبالتالي يفتح نقطته في طريق المضخات فتتوقف العملية عن العمل ولكن بعد انتهاء ترتيبها المحدد.


البرنامج :



شكل (27) : التمرين الثالث عشر بطريقة أخرى

14- عند الضغط علي مفتاح التشغيل يعمل المحرك وإذا استمر المحرك شغال لمدة نصف ساعه فانه يتوقف ولا يعمل الا بعد مرور عشر دقائق اذا تم الضغط علي مفتاح التشغيل مرة أخرى .

البرنامج :




شكل (28) : التمرين الرابع عشر

شرح البرنامج :

- عند الضغط علي (X0) سيعمل (M0) وبالتالي يغلق نقطته في طريق (Y0) فيعمل المحرك ومعه تايمر (T0) وهو من نوع (On Delay).
- إذا استمر المحرك في العمل لمدة نصف ساعه فان التايمر (T0) سيعمل وبالتالي يفتح نقطته في طريق المحرك فتتوقف (Y0) وسيغلق نقطته في طريق (T1) وهو من نوع (Off Delay) فيعمل (M1) مباشرة لان دا من خصائص التايمر دا واول ما (M1) تشتغل هتروح تفتح نقطتها في طريق (M0) وبالتالي يتوقف (M0) وبالتالي يتوقف التايمر (T0) وبالتالي هيتم فصل التيار عن (T1) فيبدأ بعد الزمن المضبوط عليه .
- في حاله محاوله تشغيل المحرك قبل انتهاء التايمر (T1) من العد فانه لن يعمل .


15- سير يمر عليه (20) كرتونه ثم يتوقف ليجهز العامل وعاء للكراتين الجديده ويستغرق العامل (6) ثواني ثم تبدأ العملية من جديد .

مخطط البرنامج :



شكل (29) : مخطط التمرين الخامس عشر

البرنامج :



شكل (30) : التمرين الخامس عشر

شرح البرنامج :

- عند الضغط علي (X0) سيعمل (M0) ويظل يعمل وعند وصول المنتج الي الحساس (X2) فإنه سيقوم بالعد بعد مرور المنتج من الحساس لوجود أمر الـ (Negative Edge).
- عندما ينتهي العداد من عد (20) كرتونه فإن (M0) ستعمل وبالتالي تفتح نقطتها في طريق (Y0) فيتوقف السير ويغلق النقطة في طريق (T0) فيعمل ليقوم بعد (6) ثواني وهو الزمن الذي يستغرقه العامل لتجهيز المنتج .
- بعد انتهاء التايمر من الزمن المضبوط عليه فإنه سيقوم بعمل (Reset) للعداد وبالتالي يتوقف (M0) وبالتالي ترجع نقطته مغلقه في طريق السير ليعمل مرة أخرى بفضل نقطة التايمر المتصلة بالتوازي مع مفتاح التشغيل .

16- عندي تنك فيه 3 مضخات اللون واحده بتديك احمر والثانيه ازرق والثالثه اخضر وعندك خلاط عشان يطلعك اربع الوان ثانيه من الالوان الاساسيه دي والالوان هي (اصفر اسود بني رمادي) والخلاط دا بيشتغل لمدة (15) ثانيه وعندي برضه مضخة بتفرغ التنك من الالوان ودي بتشتغل (10) ثواني .

No.	Symbol	Input
1	X0	أحمر
2	X1	أخضر
3	X2	أزرق
4	X3	أصفر
5	X4	بني
6	X5	رمادي
7	X6	أسود

No.	Symbol	Output
1	Y0	مضخة اللون الأحمر
2	Y1	مضخة اللون الأخضر
3	Y2	مضخة اللون الأزرق
4	Y3	الخلاط
5	Y4	صمام التفريغ

No.	Output	Red	Green	Blue
1	أصفر	6 Sec	4 Sec	-----
2	بني	7 Sec	-----	3 Sec
3	رمادي	-----	8 Sec	2 Sec
4	أسود	5 Sec	3 Sec	2 Sec

للحصول علي البرنامج برجاء مسح الكود الآتي :



الأنالوج في الـ (PLC) وتطبيقات عليه


15	14	13	12	11	10	9	8	7	6	5	4	3	2	1	0
2^{15}	2^{14}	2^{13}	2^{12}	2^{11}	2^{10}	2^9	2^8	2^7	2^6	2^5	2^4	2^3	2^2	2^1	2^0
32768	16384	8192	4096	2048	1024	512	256	128	64	32	16	8	4	2	1
Word															
BYTE 1								BYTE 0							

الدقة (**Resolution**) هي أقل قيمة يمكن أن يستشعرها الـ (PLC) وذلك عند التحويل من الإشارة التناظرية إلى إشارة رقمية.

على سبيل المثال لو عندي (**Resolution**) لوحدة يساوي (**14 bit**) فإن هذه الوحدة ستقوم بتحويل الإشارة التناظرية من (**0-10 V**) إلى قيم رقمية (**0-16000**) أي ما يكافئ (**2^{13}**)

أما لو كانت الإشارة لها قيم موجبه وأخرى سالبة على سبيل المثال (**-10 to +10 V**) وكان (**Resolution**) الخاص بها يساوي (**14 bit**) فإن هذه الوحدة ستقوم بتحويل هذه الإشارة التناظرية إلى قيم رقمية (**-8000 to +8000**) أي ما يكافئ (**2^{12}**) وتكون آخر (**bit**) خاصة بالإشارة (**±**).


إذا الدقة تساوي $1.25 \text{ mv} = \left(\frac{20}{16000} \right)$ أي أن أقل قيمة تغير يحس بها الـ (PLC) هي 0.00125 فولت



شكل (31): لوحة البيانات الخاصة بمدبيل أنالوج



شكل (32): مدبيل أنالوج به أربع مداخل ومخرجين



شكل (33) : طريقة توصيل الدخل والخرج في موديول الأنالوج

الكنترول ريجيستر اللي هنستخدمها :

CR#0	دا خاص بالاسم الخاص بالموديول ودا للقراءة فقط
CR#1	دا من خلاله بتضبط المود الخاص بالقناة الاولى
CR#2	دا من خلاله بتضبط المود الخاص بالقناة الثانية
CR#5	دا من خلاله بتضبط المود الخاص بالقناة الخامسة
CR#8	Set average time for CH1
CR#20	دا من خلاله بنقرأ القيمة الموجودة بالقناة الأولى

يتم استخدام التعليمه (TO) و (FROM) للكتابة علي والقراءة من الوحدة.


API	Mnemonic			Operands				Function		Controllers			
78	D	FROM	P	m ₁	m ₂	D	n	Read CR data from Special Modules		ES2/EX2	SS2	SA2 SE	SX2

Type OP	Bit Devices				Word devices										Program Steps	
	X	Y	M	S	K	H	KnX	KnY	KnM	KnS	T	C	D	E	F	
m ₁					*	*							*			FROM, FROMP: 9 steps
m ₂					*	*							*			DFROM, DFROP: 17
D													*			steps
n					*	*							*			

PULSE				16-bit				32-bit			
ES2/EX2	SS2	SA2 SE	SX2	ES2/EX2	SS2	SA2 SE	SX2	ES2/EX2	SS2	SA2 SE	SX2

شكل (34) : تعليمة (FROM) لقراءة الكنترول ريجيستر من الموديولات الخاصة

- (m1) : هو رقم الموديول اللي أنت عايز تقرأ منه.
- (m2) : هو رقم الكنترول ريجيستر اللي هتقرأ منه.
- (D) : هي الداتا ريجيستر اللي هتخزن فيها القيمة اللي انت قرأتها .
- (n) : هو عدد البيانات اللي انت عايز تقرأها .



شكل (35) : مثال علي تعليمة (FROM)


المثال دا بيوضح ان انا عايز أقرأ القيمة الموجودة في الكنترول ريجيستر (CR#) رقم (29 and 30) من الموديول رقم (0) اللي هو أول موديول بعد الـ (CPU) وهروح أأخذ القيمة دي في الداتا ريجيستر (D0 and D1)

API	Mnemonic			Operands				Function	Controllers			
79	D	TO	P	(m1)	(m2)	(S)	(n)	Write CR data into Special Modules	ES2/EX2	SS2	SA2 SE	SX2

Type OP	Bit Devices				Word devices											Program Steps
	X	Y	M	S	K	H	KnX	KnY	KnM	KnS	T	C	D	E	F	
m1					*	*							*			TO, TOP: 9 steps DTO, DTOP: 17 steps
m2					*	*							*			
S					*	*							*			
n					*	*							*			

شكل (36) : تعليمة (TO) للكتابة علي الكنترول ريجيستر الخاصة بالموديولات الخاصة

- (m1) : هو رقم الموديول اللي أنت عايز تكتب عليه.
- (m2) : هو رقم الكنترول ريجيستر اللي هتكتب فيه.
- (S) : هي الداتا اللي انت هتكتبها.
- (n) : هو عدد الكنترول ريجيستر اللي انت هتكتب عليها .



شكل (37) : مثال علي تعليلة (TO)

المثال دا بيوضح إن أنا عايز اكتب القيمة الموجوده في (D10 and D11) علي الكنترول ريجيستر (CR#) رقم (12 and 13) الخاص بالموديول رقم (0) .

يتم ترقيم الوحدات من (0) إلى (7) تلقائيًا من خلال بعدها عن (CPU) ويُسمح لـ (8) وحدات كحد أقصى بالاتصال بالـ (CPU) .

17- Speed Tracing of AC Motor Drive

■ Description:

- The multi-functional voltage output terminal (AM) on VFD-LS series AC motor drive model A offers signals of present speed (0 ~ 50Hz) which corresponds to 0 ~ 10V analog output signals to DVP06XA-E2, and 06XA will then offer analog voltage output to the voltage input terminal (V1) on VFD-LS series AC motor drive model B, for executing auto speed tracing of the AC motor drive.
- Set the input signals of CH1 as mode 2, i.e. the voltage input mode (0V ~ 10V).
- Set the output signal of CH5 as mode 0, i.e. the voltage output mode (-10V ~ 10V).

■ الوصف:

- عندي انفرتر شغال من (0 To 50 HZ) تتوافق هذه السرعه مع جهد من (0 To 10 Volt) هيتم ادخال خرج الانفرتر الأول الي موديول الانالوج وسيتم توصيل خرج موديول الانالوج مع دخل الانالوج الخاص بالانفرتر الثاني.
- هيتم ضبط مود القناة الأولي علي رقم (2) ليكون قيمه الدخل تتراوح من (0 To 10 Volt) .
- هيتم ضبط مود الخرج أي القناة رقم (5) علي رقم (0) ليكون قيمه الدخل تتراوح من (-10 To +10 Volt).

■ Devices:

- 1- D0: present voltage value measured
- 2- D4: frequency of VFD-LS model IC5
- 3- D40: average digital value of the input signals at CH1
- 4- D50: present digital value of input signal at CH1
- 5- D60: corresponding digital value of output voltage at CH5


الداتا ريجيستر :


- 1 (D0) : قيمة الجهد الداخلة الي الموديول.
- 2 (D4) : قيمة التردد الخاصة بالانفرتر الأول.
- 3 (D40) : متوسط القيمة الرقمية الداخلة الي القناة الأولى.
- 4 (D50) : القيمة الرقمية الفعلية الداخلة الي القناة الأولى.
- 5 (D60) : القيمة الرقمية المناظرة للخروج الخاص بالقناة الخامسة.

Wiring:

- Connect the analog voltage output terminal (AM/CM) on VFD-LS model IC5 to CH1 of DVP06XA
- connect the analog voltage input terminal (V1/CM) on VFD-LS model IC5 to CH5 of DVP06XA-E2

التوصيل :





شكل (38) : تطبيق علي كيفية استخدام الأتالوج

Program explanation:

- When PLC goes from STOP to RUN, because VFD-LS model IC5 offers analog voltage output 0 ~ 10 VDC to 06XA, you have to set CH1 as voltage input mode (mode 2) and CH5 as voltage output mode (mode 0) In addition, set the average times of the input signals at CH1 as 10.
- Save the present digital value of the input signal measured into D50.
- In the voltage input mode of 06XA, the value range for 0 ~ 10V DC is K0 ~ K32, 000. Data in D50 is 3,200 times of the actual voltage value (i.e. $32,000/10 = 3,200$). Divide the value in D50 by 3,200 and store the value obtained into D0 which represents the actual voltage measured.
- Frequency range 0 ~ 50.0Hz corresponds to 0 ~ 10V. Multiply the value in D0 with 5 and store the value obtained into D4 which represents actual frequency value.
- In the voltage output mode of 06XA, the value range for -10V ~ 10V is K-32,000 ~ K32, 000. D4 is the frequency of VFD-B model A. FWD/REV frequency -50Hz ~ 50Hz corresponds to K-32,000~ K32,000 ($32,000/50 = 640$). Multiply the value in D4 with 640 and store the digital value obtained into D60 which represents the corresponding digital value of Ch5 output voltage

■ شرح البرنامج :

- 1- (M1002) هو ماركز بينشط في أول دورة مسح فقط وييعطي نبضه عندما يكون الـ (PLC) في وضع الـ (RUN).
- 2- هنروح نكتب في (CR#2) قيمة (2) وهو المود الخاص بالاشارة من (0 to 10 V).
- 3- هنروح نكتب في (CR#8) قيمة (10) ودا خاص بالـ (CH1 average times).
- 4- (M1000) هو ماركز يكون نشط طالما كان الـ (PLC) في وضع الـ (RUN) .
- 5- هننقل القيمة الموجوده في (D9900) ودي الداتا ريجيستر الخاصه بالـ (CH1) ونخزنها في (D40) .
- 6- هنقرأ من (CR#20) ودا اللي بيبقي موجود فيه القيمة الحاليه الخاصه بالـ (CH1) ونروح نخزنها في (D50) .
- 7- القيمة الخاصه بالـ (D50) هي قيمة الفولت اللي داخل للوحدة بعد ما تحول الي صورة رقميه هناخد القيمة دي ونقسمها علي (3200) ونروح نخزنها في الـ (D0).
- 8- الرقم بتاع (3200) جه من خلال ان أنا عندي (0 to 10 V) يكافئ (0 to 50HZ) وبالتالي يكافئ (0 to 32000 BIT) إذا الـ (3200) يكافئ :

$$(3200 = \frac{32000}{10})$$


أي أن (1 Volt) يكافئ (3200 Bit) .

- 9- وبكدا يكون (D0) خاص بقيمة الفولت الحقيقيه التي يمكن قراءتها علي الشاشة .
- 10- بعد كدا هنضرب القيمة دي في (5) عشان نحصل علي قيمة التردد الفعلية ونخزنها في (D4) .
- 11- هنروح نضرب القيمة اللي في (D4) في الرقم (640) ونخزنها في (D60) والرقم دا جه بسبب ان أنا عندي الخرج يتراوح من (0 to 50 HZ) وبالتالي يكافئ (32000 Bit) ، اذا (640 = 50/32000) .
- 12- هنروح ننقل القيمة اللي في (D60) في (D9904) عشان نكتب علي (CH5) مقدار التردد.

استخدام برنامج (LogixPro) وتطبيقات عليه


18- Door simulator

■ مخطط البرنامج :



شكل (39) : مخطط التطبيق الثامن عشر

■ البرنامج :




شكل (40) : التطبيق الثامن عشر

■ شرح البرنامج :


- في البدايه يكون كلا من الليميت سويتش (S1) و (S2) مغلقين وبالتالي يصبح طريق لمبه (SHUT) سالكا وبالتالي تعمل وتدل علي أن الباب مغلق .
- لمبه الـ (AJAR) تدل علي أن الباب في حالة الفتح او في حالة الغلق وبالتالي عند الضغط علي مفتاح (OPEN) فإن الليميت سويتش (S1) سيكون مغلق ولليميت (S2) سيكون مغلق وبالتالي تعمل اللمبه الي أن يصل الباب الي (S1) فتقوم بفتح نقطتها وبالتالي تتوقف اللمبه عن العمل.
- عند الضغط علي مفتاح (OPEN) سيعمل المحرك في اتجاه (UP) ليقوم بفتح الباب الي أن يصل الي (S1) وهو الليميت سويتش الموجود في الاعلي فيتوقف اتجاه الـ (UP) وفي حالة الضغط علي مفتاح الـ (CLOSE) لا يعمل اتجاه الغلق لوجود نقطة مغلقه من اتجاه الـ (UP) في طريقه.
- عند فتح الباب بالكامل سيكون كلا من الليميت سويتش (S1) و (S2) مغلقين وبالتالي ستعمل لمبه الـ (OPEN).
- عند الضغط علي مفتاح (CLOSE) سيعمل المحرك في اتجاه (DOWN) وبالتالي ستضئ لمبه الـ (AJAR) مرة أخرى لان (S1) ستكون مغلقه وستكون (S2) أيضا مغلقه وبالتالي تعمل اللمبه واذا وصل المحرك الي (S2) فإنه يتوقف وتتوقف لمبه الـ (AJAR) وتضئ لمبه الـ (SHUT) مرة أخرى.

■ ملحوظه :

توضيح لنقاط الليميت سويتش علي سبيل المثال :




في حاله لو كان الباب مغلق فإن الليميت سويتش (S2) مضغوط عليه وبالتالي هيجي في البرنامج هيجير وضعه ويبقي مفتوح ، وأيضا الليميت سويتش (S1) هيكون مضغوط عليه لان الباب ادامهم هما الاتنين وبالتالي هيجي هنا في البرنامج هيلقي نقطته مغلقه فهيفتحها وبالتالي لمبه الـ (OPEN) لن تعمل.



في حاله لو كان الباب ببفتح فإن الليميت سويتش (S2) هيكون مش مضغوط عليه وبالتالي هيجي في البرنامج مش هيجير وضعه وهيفضل في البرنامج مقفول زي ما هو ، الليميت سويتش (S1) هيكون مضغوط عليه لان الباب ادامهم وبالتالي هيجي هنا في البرنامج هيلقي نقطته مفتوحه فهيجلقها وبالتالي لمبه الـ (AJAR) ستعمل


19- Box simulator

■ مخطط البرنامج :



شكل (40) : مخطط التطبيق التاسع عشر

■ البرنامج :




شكل (41) : التطبيق التاسع عشر

■ شرح البرنامج :


- عند الضغط علي مفتاح (START) سيعمل ماركر (X) ومعه لمبة بيان (RUN) وسيغلق نقطته الموجوده في طريق الـ (MOTOR) وطريق الـ (VALVE) والـ (FILL) .
- سيصبح الطريق ممهد أمام المحرك ليعمل وبالتالي يعمل السير حاملا الصندوق الي أن يصل الي حساس الـ (PROX) فيتوقف السير اسفل الـ (VALVE).
- عندما يعمل الـ (PROX) سيبدأ الـ (VALVE) بالعمل ومعه لمبه الـ (FILL) والتي تعمل طالما الصندوق يمتلأ .
- عند وصول المنتج الي الليفيل سيعمل حساس الـ (LEVEL) وبالتالي سيعمل ماركر (Y) ومعه لمبة (FULL) وسيقوم بفتح نقطته في طريق الـ (VALVE) ولمبه الـ (FILL) فيتوقفان عن العمل ويغلق نقطته المتصله بالتوازي في طريق السير فيعمل السير مرة أخرى .

20- تنك يتم ضخ المياه فيه عن طريق مضختان الاولى تعمل لمدة ثانيتين ثم تكمل الثانيه الي أن يمتلأ التنك ثم يعمل خلاط لمدة عشر ثواني ثم يفصل ويعمل سخان الي أن تصل درجة الحرارة الي (75) درجه مئوية فيتوقف السخان وتعمل مضخة التفريغ مع العلم أنه في البداية اذا كان هناك ماء في التنك فان مضخة التفريغ تعمل أولاً.

■ مخطط البرنامج :



شكل (42) : مخطط التطبيق العشرون




شكل (43) : التطبيق العشرون

■ شرح البرنامج :

- عند الضغط علي مفتاح (START) سيعمل ماركر (X) وسيغلق نقطته الموجوده في طريق كل الـ (Output).
- لو كان هناك مياه في التنك فإن حساس الـ (Lo level) سيغلق وبالتالي سيكون الطريق ممهد أمام (P3) لتعمل علي تفريغ المياه أولا.
- في حالة عدم وجود مياه في التنك فإن حساس الـ (Lo level) سيكون في حالته الطبيعيه وبالتالي يكون الطريق ممهد أمام الـ (P1) لتعمل وبالتالي تغلق نقطتها في طريق التايمر (T4:0) وبعد انتهاء الزمن المضبوط عليه فإنه يقوم يغلق نقطته في طريق (P2) ويفتح نقطته في طريق (P1) فتتوقف (P1) وتعمل (P2) لتكمل عمله ملء التنك الي أن تصل المياه الي حساس (H.L) فتتوقف (P2) .
- عندما يعمل حساس الـ (H.L) فإنه يغلق نقطته في طريق القلاب (MIXER) ليعمل وبالتالي يغلق نقطته في طريق (T4:1) وعندما ينتهي التايمر من الزمن المضبوط عليه يغلق نقطته في طريق الـ (HEATER) ليعمل السخان وبالتالي يفتح نقطته في طريق الـ (MIXER) فيتوقف ويتوقف علي اثره التايمر (T4:1) ويستمر السخان بالعمل .
- عندما تصل درجة الحراره الي (75) فإن الـ (THERMOSTAT) تفتح نقطتها في طريق السخان فيتوقف وتغلق نقطتها في طريق الـ (P3) فتقوم علي تفريغ المياه الي أن تصل المياه الي اسفل حساس الـ (Lo level) فتتوقف وتكرر العمليه نفسها مرة أخرى.


21- تنك يتم ضخ المياه فيه عن طريق مضختان يعملان بالتبادل فيما بينهما.

■ مخطط البرنامج :



شكل (44) : مخطط التطبيق الواحد والعشرون

■ البرنامج :




شكل (45) : التطبيق الواحد والعشرون

■ شرح البرنامج :

- عند الضغط علي مفتاح (START) سيعمل ماركر (X) وسيغلق نقطته الموجوده في طريق كل الـ (Output).
- لو كان هناك مياه في التנק فإن حساس الـ (Lo level) سيغلق وبالتالي سيكون الطريق ممهد أمام (P3) لتعمل علي تفريغ المياه أولاً.
- في حالة عدم وجود مياه في التנק فإن حساس الـ (Lo level) سيكون في حالته الطبيعيه وبالتالي يكون الطريق ممهد أمام الـ (P1) لوجود نقطه مغلقه من الماركر (Y) لتعمل الي أن تصل المياه الي حساس (H.L) فتتوقف (P1) .
- عندما يعمل حساس الـ (H.L) فانه يغلق نقطته في طريق القلاب (MIXER) و الـ (HEATER) ليعمل السخان.
- عندما تصل درجة الحرارة الي (32) فإن الـ (THERMOSTAT) تفتح نقطتها في طريق السخان والقلاب فيتوقفان وتغلق نقطتها في طريق الـ (P3) فتقوم علي تفريغ المياه الي أن تصل المياه الي اسفل حساس الـ (Lo level) فتتوقف .
- في حاله عمل (P1) فإن (Y) تعمل وتظل تعمل لوجود أمر الـ (LATCH) الذي يكافئ (SET) وبالتالي تفتح نقطتها في طريق (P1) وتغلق نقطتها في طريق (P2) ليكون الطريق ممهد أمامها في حاله تفريغ المياه واعاده ملء التנק مرة فبان (P2) هي التي ستعمل وبالتالي تغلق نقطتها في طريق (UNLATCH) الخاص بالـ (Y) وهو يكافئ أمر الـ (RST) لتتوقف الـ (Y) عن العمل وهكذا.

22- تنك يتم ضخ المياه فيه عن طريق مضختان يعملان بالتبادل فيما بينهما وإذا تم الضغط علي الايقاف وتم التشغيل ثانيه فانه يستكمل العمليه التي كان عليها قبل الايقاف .

■ البرنامج :



شكل (46) : التطبيق الثاني والعشرون

■ شرح البرنامج :

- هذا التمرين مثل التمرين السابق تماماً ولكن تم اضافته شق العملية الخاصة بالايقاف.
- لو كان (P1) أو (P2) يعملان فانهما يقومان بتنشيط أمر (LATCH) للماركر (Z) وبالتالي هذا الماركر هيعرفني ايه اللي كان شغال قبل عملية الايقاف لان عملية الايقاف لا تؤثر علي الـ (LATCH) اللي اتعمل لـ (Z) وبالتالي تم توصيل نقطه مفتوحه بالتوازي مع كلا من (P1) و (P2) لتقوم باستئناف العمل علي حسب طريق مين اللي كان سالك.
- لو كان الـ (P3) هي اللي شغاله فبالتالي هيتم تفعيل أمر (UN LATCH) لـ (Z) وبالتالي تم توصيل نقطه مغلقه بالتوازي مع (P3) لتستأنف عملها في حين اذا كانت هي اللي كانت تعمل قبل عملية الايقاف.




ارسم المثل السابق بطريقة أخرى باستخدام أوامر الـ (SET) والـ (RST) ؟



امسح الكود للحصول علي حل التمرين ولو مسحته ومشتغلش تأكد من وضع (:) بعد (https) وقبل (//) ليكون (https://)

23- ضغطة للتشغيل وضغطة للايقاف عن طريق عدادات .

■ البرنامج :




شكل (47) : التطبيق الثالث والعشرون

■ شرح البرنامج :

- عند الضغط علي (START) فإن العداد (C1) سيعمل وبالتالي يغلق نقطته لانه مضبوط علي عده واحده فقط ، والعداد (C2) سيقوم بعد عده واحده فقط وهو مضبوط علي (2) وبالتالي الخرج الخاص به لن يعمل .
- بما ان خرج العداد (C1) اصبح نشط فإنه سيغلق نقطته في طريق (MOTOR) وبالتالي سيعمل .
- عند الضغط علي مفتاح الـ (START) مرة أخرى فإن العداد (C2) سيعمل الخرج الخاص به وبالتالي سيتم عمل (RST) لكلا من العداد (C1) والعداد (C2).
- (OSR) تكافئ الـ (Positive Edge) الموجوده في البرامج الاخرى.

24- تنك يمتلأ عن طريق مضخة الي أن تصل المياه الي اعلي مستوي فيعمل خلاط وسخان حتي تصل درجة الحرارة الي قيمة معينة يتم فصل الخلاط والسخان وتعمل مضخة التفريغ ومن ثم تتكرر هذه العملية (5) مرات ثم تتوقف والتنك فارغ .

■ البرنامج :



شكل (48) : التطبيق الرابع والعشرون

■ شرح البرنامج :

- الجديد في هذا التمرين هو أنه عند وصول درجة الحرارة الي القيمة المطلوبه فإن الـ (Thermo) ستقوم بتنشيط عداد (C5) هذا العداد مضبوط علي (5) عدات بحيث لو تكررت العمليه (5) مرات فانه يفتح نقطته في طريق المضخة (P1) ولن تبدأ العمليه بالعمل مرة أخرى الا بعد الضغط علي (START) لان الـ (START) سيقوم بعمل (RST) للعداد .

الفهرس

- عند الضغط علي مفتاح التشغيل لأول مره يعمل المحرك الاول وعند الضغط عليه لمرة أخرى يعمل المحرك الثاني .
- عند الضغط علي مفتاح التشغيل لأول مره يعمل المحرك الاول وعند الضغط عليه لمرة أخرى يعمل المحرك الثاني وعند الضغط عليه المرة الثالثة يفصل المحركين وهكذا.
- تشغيل وايقاف بمحرك بمفتاح واحد بحيث ضغطه للتشغيل وضغطه للايقاف.
- تشغيل وايقاف بمحرك بمفتاح واحد بحيث ضغطه للتشغيل وضغطه للايقاف باستخدام ماركرات فقط .
- عكس حركة محرك بواسطه مفتاح تشغيل واحد علي أن يتم الضغط علي مفتاح الايقاف بين كل اتجاه والاخر .
- عند الضغط لأول مره علي مفتاح التشغيل يعمل المحرك الاول وبعد الضغط الثاني يعمل الثاني وبعد الضغط الثالث يعمل الثالث وبعد الرابعه يتوقف الثلاث محركات .
- قارن بين الأشكال الاتيه من حيث طريقة العمل .
- عند الضغط علي مفتاح التشغيل يعمل المحرك بعد (4) ثواني وعند الضغط علي الايقاف فانه يتوقف.
- عند الضغط علي مفتاح التشغيل يعمل المحرك بعد (3) ثواني لمدة (4) ثواني وعند الضغط علي الايقاف فانه يتوقف .
- عند الضغط علي المفتاح للمرة الأولى تشتغل الداندره كفاشر والضغطه الثانيه تفصل الداندره وهكذا .
- ثلاث مواتير يقوموا بالتبديل مع بعض علي حسب المخطط الاتي.
- ثلاث مواتير يقوموا بالتبديل مع بعض علي حسب المخطط الاتي .
- داندره تنك عند الضغط علي (SRART) يعمل كلا من (Pump1,2) وبعد أن تصل المياه الي اعلي الخزان تتوقف المضخات ويعمل قلاب لمدة (3) ثواني ثم يقف ويعمل الـ (Valve) ليقوم بتفريغ الخزان حتي تصل المياه الي أسفل (Low Sensor) فتعيد العمليه مره أخرى نفسها وعند الضغط علي الايقاف لا تتوقف العمليه الا حين تنتهي من دورتها .
- عند الضغط علي مفتاح التشغيل يعمل المحرك وإذا استمر المحرك شغال لمدة نصف ساعه فانه يتوقف ولا يعمل الا بعد مرور عشر دقائق إذا تم الضغط علي مفتاح التشغيل مره أخرى .
- سير يمر عليه (20) كرتونه ثم يتوقف ليجهز العامل وعاء للكراتين الجديده ويستغرق العامل (6) ثواني ثم تبدأ العمليه من جديد .
- عندي تنك فيه (3) مضخات الوان واحده بتديك احمر والثانيه ازرق والثالثه اخضر وعندك خلاط عشان يطلعك اربع الوان ثانيه من الالوان الاساسيه دي والالوان هي (اصفر اسود بني رمادي) والخلاط دا بيشغل لمدته (15) ثانيه وعندي برضه مضخه بتفرغ التنك من الالوان ودي بتشتغل (10) ثواني .
- تنك يتم ضخ المياه فيه عن طريق مضختان الاولى تعمل لمدة ثانييتين ثم تكمل الثانيه الي أن يمتلأ التنك ثم يعمل خلاط لمدة عشر ثواني ثم يفصل ويعمل سخان الي أن تصل درجة الحرارة الي (75) درجة مئوية فيتوقف السخان وتعمل مضخة التفريغ مع العلم أنه في البداية إذا كان هناك ماء في التنك فان مضخة التفريغ تعمل أولاً.
- تنك يتم ضخ المياه فيه عن طريق مضختان يعملان بالتبادل فيما بينهما.
- تنك يتم ضخ المياه فيه عن طريق مضختان يعملان بالتبادل فيما بينهما وإذا تم الضغط علي الايقاف وتم التشغيل ثانيه فانه يستكمل العمليه التي كان عليها قبل الايقاف.
- ضغطة للتشغيل وضغطه للايقاف عن طريق عدادات.
- تنك يمتلأ عن طريق مضخه الي أن تصل المياه الي اعلي مستوي فيعمل خلاط وسخان حتي تصل درجة الحرارة الي قيمه معينه يتم فصل الخلاط والسخان وتعمل مضخه التفريغ ومن ثم تتكرر هذه العمليه (5) مرات ثم تتوقف والتنك فارغ .
- Speed Tracing of AC Motor Drive
- Door simulator
- Box simulator